

**МАШ НУУЦ**  
STRICTLY CONFIDENTIAL

**МАШ НУУЦ**

Богдхан төмөр замын туннел болон эстакадан гүүрний  
зураг төсөл, худалдан авалт, барилгын ажлын  
санхүүжилтийн гэрээний  
"ХАВСРАЛТ 3"

**ИЛ БОЛСОН**

**НҮҮРС НИЙЛҮҮЛЭХ ГЭРЭЭ**

“ЭРДЭНЭС ТАВАНТОЛГОЙ” ХК  
ХЭЗГ  
№01

Дугаар МН-ЭТ-2022/488

БИ-BBR-CONT-0003

**“ЭРДЭНЭС ТАВАНТОЛГОЙ” ХК**

Худалдан

**“БОДЬ ИНТЕРНЭШНЛ” ХХК**

Гүйцэтгэгч

**ЭТТ-ШИЛЭН КОМПАНИ**

МАШ НУУЦ

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

## НҮҮРС НИЙЛҮҮЛЭХ ГЭРЭЭ

2022 оны 6 дугаар сарын 27-ны өдөр Дугаар **МН-ЭТТ-2022/488**

**BI-BBR-COMT-0003**

Улаанбаатар хот

**ИЛ БОЛСОН**

Энэ Нүүрс нийлүүлэх гэрээ /цаашид "Гэрээ" гэх/-г


нэг талаас: "Эрдэнэс Тавантолгой" ХК (РД: 5435528)  
(цаашид "ЭТТ" ХК эсхүл "Худалдагч" гэх);

нөгөө талаас: "Бодь интернэшнл" ХХК (РД: 2040433)  
(цаашид "Гүйцэтгэгч", хамтад нь "Талууд" гэх) нар;

### УДИРТГАЛ

- i) Монгол Улсын Засгийн газрын 2021 оны 7 дугаар сарын 7-ны өдрийн "Богдхан төмөр зам" төслийн талаар авах зарим арга хэмжээний тухай 206 дугаар тогтоолоор "Богдхан төмөр зам" төслийн зураг төсөл, худалдан авалт, барилгын ажлын нийт санхүүжилтийг шийдвэрлэхийг "Эрдэнэс Тавантолгой" ХК-д даалгасан болохыг;
- ii) Монгол Улсын Засгийн газрын 2021 оны 11 дүгээр сарын 17-ны өдрийн 353 дугаартай "Богдхан төмөр зам" төслийг эрчимжүүлэх арга хэмжээний тухай тогтоолоор "Богдхан төмөр зам"-ын бүтээн байгуулалтын ажилд шаардагдах хөрөнгийн эх үүсвэрийг эрх бүхий байгууллагаар магадлуулсан техник, эдийн засгийн үндэслэлийн дүнд багтаан нүүрс урьдчилан борлуулах замаар болон бусад эх үүсвэрээр холбогдох хууль тогтоомжийн дагуу санхүүжүүлэх арга хэмжээ авахыг "Эрдэнэс Тавантолгой" ХК-д даалгасан болохыг тус тус тэмдэглэн;
- iii) Монгол Улсын Засгийн газрын 2022 оны 4 дүгээр сарын 13-ны өдрийн хуралдааны 22 дугаар тэмдэглэл;
- iv) "Эрдэнэс Тавантолгой" ХК-ийн Төлөөлөн удирдах зөвлөлийн 2022 оны 6 дугаар сарын 3-ны өдрийн Гэрээ байгуулах эрх олгох тухай 28 дугаар тогтоол,
- v) "Эрдэнэс Тавантолгой" ХК-ийн Төлөөлөн удирдах зөвлөлийн 2022 оны 6 дугаар сарын 7-ны өдрийн 31 дугаартай Их хэмжээний хэлцэл хийж, гэрээ байгуулах зөвшөөрөл олгох тухай тогтоолын 1.1 дэх заалт;
- vi) Худалдагч, Гүйцэтгэгч болон "Тавантолгой төмөр зам" ХХК-ийн хооронд 2022 оны ... дугаар сарын ...-ны өдөр байгуулсан ЭТТ-2022/..... тоот "Санхүүжилтийн гэрээ"-г тус тус үндэслэн;

Иргэний хууль болон бусад холбогдох хууль тогтоомжид нийцүүлэн дараах нөхцлөөр харилцан тохиролцож байгуулав.



## НЭГДҮГЭЭР ЗҮЙЛ. НИЙТЛЭГ ҮНДЭСЛЭЛ

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

- 1.1. Энэ гэрээний зорилго нь "Богдхан төмөр зам"-ын туннел, эстакадан гүүрний зураг төсөл, худалдан авалт, барилгын ажилд шаардагдах санхүүжилтийг нүүрс урьдчилан борлуулах замаар, бэлэн мөнгө болон бусад эх үүсвэрээр санхүүжүүлэхтэй холбогдон Талуудын хооронд үүсэх харилцааг зохицуулах, тэдгээрийн эдлэх эрх, хүлээх үүрэг, хариуцлагыг тодорхойлоход оршино.
- 1.2. Энэ гэрээ нь Худалдагч, Гүйцэтгэгч болон "Тавантолгой төмөр зам" ХХК-ийн хооронд байгуулагдсан "Богдхан төмөр зам"-ын туннел болон эстакадан гүүрний зураг төсөл, худалдан авалт, барилгын ажлын санхүүжилтийн гэрээ (цаашид "Санхүүжилтийн гэрээ" гэх)-ний Хавсралт 3 болно.

## ХОЁРДУГААР ЗҮЙЛ. НЭР ТОМЬЁОНЫ ТОДОРХОЙЛОЛТ

- 2.1. Энэ гэрээнд хэрэглэсэн дараахь нэр томъёог дор дурдсан утгаар ойлгоно:
  - 2.1.1. "нүүрс" гэж органик гаралтай бодис геологийн урт хугацааны туршид газрын хэвлийд хуримтлагдан хувиралд орж үүссэн хурдас бөгөөд шатах органик цул ба үл шатах эрдэс хэсгээс тогтсон шатах ашигт малтмалыг;
  - 2.1.2. "коксжих нүүрс" гэж кокс үйлдвэрлэх боломжтой зөөлөн чулуун нүүрсийг /bituminous/;
  - 2.1.3. "талууд" гэж Худалдагч болон Гүйцэтгэгч нарыг хамтад нь;
  - 2.1.4. "уурхай" гэж Өмнөговь аймгийн Цогтцэций сумын нутаг дэвсгэрт орших Тавантолгойн ордод хамаарах Худалдагчийн эзэмшлийн тусгай зөвшөөрлүүдийг хамарсан уурхайн талбай (цаашид "Тавантолгойн орд" гэх)-г;
  - 2.1.5. "олборлолт" гэж ил ба далд уурхайн арга, технологийн дагуу уурхайн дэд бүтэц, уурхайн техник, тоног төхөөрөмж ашиглан уурхайн эдэлбэрээс нүүрс ялган гаргах, ачиж тээвэрлэх, бутлах, дамжуулах зэрэг ажиллагааг;
  - 2.1.6. "нэрлэсэн Худалдан авагч", "техник, эдийн засгийн үндэслэл", "Төсөл", "Нүүрс худалдах, худалдан авах гэрээ" гэх нэр томъёог энэ гэрээний 1.2-т заасан гэрээнд тодорхойлсноор нэгэн адил ойлгоно.
- 2.2. Энэ гэрээг тайлбарлахад мөн гэрээнд тусгайлан өөрөөр заагаагүй бол дараах дүрмийг баримтална:
  - 2.2.1. гэрээний зүйл, хэсгийг гэрээг хэрэглэхэд дөхөм болгох үүднээс гарчигласан бөгөөд ийнхүү гарчигласан нь гэрээний агуулгыг тайлбарлахад нөлөөлөхгүй;
  - 2.2.2. гэрээнд өөрөөр тусгайлан заагаагүй бол гэрээнд заасан "зүйл", "хэсэг", "заалт", "хавсралт" гэдэгт гэрээний зүйл, хэсэг, заалт, хавсралтыг ойлгоно;
  - 2.2.3. гэрээ болон бусад гэрээ, баримт бичигт дурдагдсан хувь хүн, хуулийн этгээд, байгууллагад тэдгээрийн хууль ёсны болон гэрээний дагуу эрхийг нь залгамжлан авах этгээдийг хамруулан ойлгоно;

ХЭЭТ  
№01

2.2.4. гэрээнд өөрөөр тусгайлан заагаагүй бол нийтээр хүлээн зөвшөөрсөн техникийн болон худалдааны үг хэллэгийг нийтээр хүлээн зөвшөөрч хэрэглэдэг утгаар нь ойлгоно.

### ГУРАВДУГААР ЗҮЙЛ. ЕРӨНХИЙ НӨХЦӨЛ

МАШ НУУЦ  
STRICTLY CONFIDENTIAL  
"ЭРДЭНЭС ТАВАНТОЛГОЙ" ХК

ИЛ БОЛСОН

- 3.1. Худалдагч нь "Эрдэнэс Тавантолгой" ХК-ийн Төлөөлөн удирдах зөвлөлийн 2022 оны 31 дүгээр тогтоолд заасны дагуу "Богдхан төмөр зам"-ын туннел, эстакадан гүүрний зураг төсөл, худалдан авалт барилгын ажилд шаардагдах хөрөнгө оруулалтын санхүүжилтийн дүн болох 734,619,823.67 /долоон зуун гучин дөрвөн сая зургаан зуун арван есөн мянга найман зуун хорин гурван доллар жаран долоон цент/ ам.долларыг энэ гэрээний дагуу нүүрс урьдчилан борлуулах замаар болон бэлэн мөнгө, бусад эх үүсвэрээр олгоно.
- 3.2. Хэрэв Худалдагч энэ гэрээний 3.1-т заасан санхүүжилтийн зохих хэсгийг бэлэн мөнгө болон бусад эх үүсвэрээр санхүүжүүлсэн тохиолдолд энэ гэрээний дагуу Гүйцэтгэгчид нийлүүлэх нүүрсний хэмжээг мөн хэмжээгээр бууруулна.
- 3.3. Худалдагч нь энэ гэрээний 3.1-д заасан санхүүжилтийн дүнгээр энэ гэрээгээр тохирсон нөхцөлөөр байгуулсан Нүүрс худалдах, худалдан авах гэрээний дагуу Гүйцэтгэгч буюу Гүйцэтгэгчийн нэрлэсэн худалдан авагчид уурхайгаас олборлосон нүүрсийг нийлүүлнэ. Гүйцэтгэгч нь аль болох томоохон харилцагчдыг сонгож, нэрлэсэн Худалдан авагчдын тоог цөөн байлгахыг эрмэлзэнэ.

### ДӨРӨВДҮГЭЭР ЗҮЙЛ. ГЭРЭЭНИЙ ХУГАЦАА

- 4.1. Энэ гэрээ нь талууд харилцан зөвшилцөж гарын үсэг зурсан өдрөөс гэрээний 3.1-т заасан үнийн дүнгээс нүүрс урьдчилан борлуулах замаар төслийн санхүүжилтэд олгож буй нүүрсийг бүрэн нийлүүлсэнээр дуусгавар болно.
- 4.2. Үл ойлголцол үүсэхээс зайлсхийх үүднээс энэхүү гэрээний 4.1 дэх хэсэгт заасан хугацаа нь гэрээний Хавсралт А-д заасан нүүрс нийлүүлэх хуваарьтай уялдан хамгийн багадаа 5 жил буюу түүнээс дээш байна.

### ТАВДУГААР ЗҮЙЛ. НҮҮРСНИЙ ҮНЭ БА ҮНИЙН ИНДЕКС

- 5.1. Худалдагч нь энэ гэрээний дагуу нийлүүлэх нүүрсийг Гашуунсухайт боомтоор экспортлох тохиолдолд FCA-уурхайн ам нөхцөлтэй хатуу коксжих нүүрсний 2022 оны 2 дугаар улирлын үнэ нэг тонн тутамд 113.46 /нэг зуун арван гурван доллар дөчин зургаан цент/ ам.доллар, Замын-Үүд Эрээн боомтоор экспортлох тохиолдолд FCA-уурхайн ам нөхцөлтэй үнэ нэг тонн тутамд 114.56 /нэг зуун арван дөрвөн доллар тавин зургаан цент/ ам.доллар байна. Өөр боомтоор экспортолсон тохиолдолд Талууд суурь үнийг шинээр тохиролцоно.

ХЭЗГ  
№01

МОНГОЛ  
BODI INTERNATIONAL LLC  
БОДИ ИНТЕРНЭШНЛ  
ХХК  
УТГА  
ТТА1515 20240423

- 5.2. FCA нөхцөлийг олон улсын худалдааны 2020 оны нөхцөл (INCOTERMS 2020)-д заасны дагуу ойлгоно.
- 5.3. Худалдагч нь гэрээний FCA нөхцөл (INCOTERMS 2020)-ийг өөрчилж болох ба энэ тохиолдолд гэрээний үнэ өөрчлөгдөнө.
- 5.4. Энэхүү гэрээний хүрээнд тусдаа гэрээгээр хамгийн багадаа 650,000 тонн бусад давхаргын коксжих нүүрс, 650,000 тонн исэлдсэн /эрчим хүчний/ нүүрс нийлүүлэх, худалдан авах ба Худалдагчийн Нүүрс баяжуулах үйлдвэр ашиглалтад орсны дараа баяжмал нүүрс нийлүүлж, худалдан авна. Эдгээр нүүрсний үнэ болон бусад нөхцөлүүдийг тусдаа гэрээгээр зохицуулна.
- 5.5. Энэ гэрээний 5.1-д заасан үнэд нүүрсийг олборлох, ачих төлбөр, Монгол Улсын бүх төрлийн татвар, хураамж, төслийн барилгын ажлыг гүйцэтгэх санхүүжилтийн зориулалтаар Гүйцэтгэгч хөрөнгө босгоход гаргасан холбогдох бүх зардал багтсан болно.
- 5.6. Энэ гэрээний 5.1-д заасан суурь үнээс дараах аргачлалын дагуу нүүрсний үнийг улирал тутам шинэчлэн тогтооно. Үүнд:
- i) Үнийн индекс:  
Бүтээгдэхүүний үнийг индексжүүлэх бөгөөд тухайн бүтээгдэхүүний үнийг жил бүрийн 01 дүгээр сарын 01, 04 дүгээр сарын 01, 07 дугаар сарын 01, 10 дугаар сарын 01-ний өдөр эхлэх улирал тутам өөрчлөн тогтоож, үнэ баталгаажуулах актаар баталгаажуулан тухайн улирлыг дуустал мөрдөнө. Улирал тутмын индекс ба үнийг тооцоолох аргачлалыг гэрээний "Хавсралт Б"-д тодорхойлно.
  - ii) Нүүрсний үнийн индексийн сагс нь дараах индексүүдээс бүрдэнэ:
    - 1) <http://en.sxcoal.com> веб хуудаст мэдээлэгдэх CR China Coking Coal Price Index (жин 30%),
    - 2) <http://www.metalbulletin.com> веб хуудаст мэдээлэгдэх Metal Bulletin Coking Coal Index, Hard Coking Coal CFR Jingtang USD per tonne (жин 20%),
    - 3) Platts Coal Trader International тайланд нийтлэгдэх Platts Hard Coking Coal 64 Mid Vol CFR China Daily Spot Price (жин 10%),
    - 4) <http://en.sxcoal.com> веб хуудаст мэдээлэгдэх Shanxi Liulin Seam 4 Unwashed Clean Hard Coking Coal Price (жин 10%),
    - 5) <http://en.sxcoal.com> веб хуудаст мэдээлэгдэх Production areas Primary Coking Average (жин 30%).
- 5.7. Энэ гэрээний 5.6-д заасан Нүүрсний үнийн индексийн сагсын аль нэг индекс нь нийтлэгдэхээ больсон тохиолдолд орлуулах индексийн талаар талууд харилцан тохиролцоно.
- 5.8. Шаардлагатай гэж үзвэл талууд үнийн индексийн сагсанд шинэ индекс нэмж оруулах, эсхүл индекс хасах талаар хэлэлцээр хийж болно. Хэрэв Монгол Улсын Засгийн газар үнийн индекс нийтэлж эхэлбэл Талууд нүүрсний үнийн индексийн сагсанд тухайн индексийн эзлэх хувийг харилцан тохиролцоно.
- 5.9. Гүйцэтгэгч буюу Гүйцэтгэгч талын нэрлэсэн Худалдан авагч нь энэхүү гэрээний дагуу хүлээн авсан нүүрсийг Монгол Улсын дотоодод эсхүл, Бүгд Найрамдах Хятад Ард улсын Ганцмод болон бусад боомтуудад жижиглэнгээр худалдан борлуулахгүй байх үүрэгтэй. Энэ нь Гүйцэтгэгч буюу Гүйцэтгэгч талын

нэрлэсэн Худалдан авагч нүүрсийг Ганцмод, бусад боомтуудад хадгалах, дамжуулан ачих, тээвэрлэхэд хамаарахгүй.

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

### ЗУРГАДУГААР ЗҮЙЛ. НҮҮРСНИЙ ГАРАЛ ҮҮСЭЛ БОЛОН ЧАНАР

ИЛ БОЛСОН

- 6.1. Энэ гэрээний дагуу нийлүүлэх нүүрс нь Монгол Улсын Өмнөговь аймгийн Цогтцэций сумын нутагт орших Тавантолгойн ордоос олборлосон нүүрс байна.
- 6.2. Энэ гэрээний 6.1-д заасан нүүрсний чанарын үзүүлэлтийг гэрээний "Хавсралт В"-д заасан болно.
- 6.3. Талууд нийлүүлэх нүүрснээс дээж авах, дээжийг бэлтгэх, дээжийн чанарын шинжилгээг дараах байдлаар хамтран гүйцэтгэнэ:
- 6.3.1. талуудын болон нэрлэсэн худалдан авагчийн төлөөллийг байлцуулан ачигдаж буй нүүрснээс долоо хоног тутам эсхүл 30,000 /гучин мянга/ тонн тутам нэг удаа дээж авна. Дээжийн чанарыг шинжлэхдээ ISO стандартыг мөрдөнө. Гүйцэтгэгч талын дээж авах төлөөлөгчийг уурхайн талбайруу нэвтрүүлэх тохиолдолд тухайн төлөөлөгч нь уурхайн Хөдөлмөр аюулгүй байдлыг чандлан мөрдөнө.
- 6.3.2. гуравдагч дээжийг агаараас тусгаарлан битүүмжилж, дээж авсан өдрөөс хойш 30 /гуч/ хоногийн турш хадгална.
- 6.3.3. талууд нь нүүрсний чанарын шинжилгээг тус тусын лабораторид хийж гүйцэтгэх бөгөөд холбогдох зардлыг өөрсдөө хариуцна.
- 6.3.4. талуудын хооронд нийлүүлсэн нүүрсний чанарын талаар маргаан гарвал Гүйцэтгэгч буюу Гүйцэтгэгч талын нэрлэсэн Худалдан авагч нь ажлын 3 /гурав/ өдрийн дотор мэдэгдэж нүүрсний ачилтыг түр хугацаанд зогсоох ба хадгалагдаж байсан гуравдагч дээжийн нүүрсний чанарын шинжилгээг талуудын сонгосон, магадлан итгэмжлэгдсэн хөндлөнгийн лабораторид хийлгэх бөгөөд шинжилгээний үр дүнгээр маргааныг эцэслэн шийдвэрлэнэ.
- 6.3.5. гуравдагч дээжийн чанарыг хөндлөнгийн лабораторид шинжлүүлэхтэй холбогдон гарах зардлыг Талууд тэнцүү хэмжээгээр хамтран хариуцна.

### ДОЛДУГААР ЗҮЙЛ. НИЙЛҮҮЛЭХ НҮҮРСНИЙ ТОО ХЭМЖЭЭ, НҮҮРС НИЙЛҮҮЛЖ ЭХЛЭХ ХУГАЦАА БА ТООЦОО НИЙЛЭХ

- 7.1. Худалдагчаас гэрээний хугацаанд Гүйцэтгэгч буюу Гүйцэтгэгчийн нэрлэсэн Худалдан авагчид нийлүүлэхээр хэлэлцэн тохиролцсон нүүрсний хэмжээ, хуваарийг гэрээний "Хавсралт А"-аар баталгаажуулж, 2022 оны 08 дугаар сарын 01-ний өдрөөс эхлэн Гүйцэтгэгч буюу Гүйцэтгэгчийн нэрлэсэн худалдан авагчид нийлүүлнэ. Нүүрс нийлүүлэх хэмжүүр нь тонн байна. Гүйцэтгэгч нь энэхүү гэрээний дагуу нийлүүлэх нүүрсийг хүлээн авах нэрлэсэн худалдан авагчийн талаарх мэдээллийг тухайн нүүрсийг нийлүүлэхээс ажлын 14 /арван дөрөв/ өдрийн өмнө Худалдагчид мэдэгдэнэ. Худалдагч нь уг хугацаанд нүүрс худалдах, худалдан авах гэрээг баталгаажуулна.

ХЭЭГ  
№01

- 7.2. Хэрэв Худалдагч Гэрээний 3.1-т заасан санхүүжилтийн зохих хэсгийг бэлэн мөнгө болон бусад эх үүсвэрээр санхүүжүүлсэн тохиолдолд Гэрээний дагуу Гүйцэтгэгчид нийлүүлэх нүүрсний хэмжээг мөн хэмжээгээр бууруулах бөгөөд Талууд Гэрээний "Хавсралт А"-д заасан нүүрс нийлүүлэх хуваарь хэмжээнд тухай бүр өөрчлөлт оруулна.
- 7.3. Худалдагчийн энэ гэрээний "Хавсралт А"-д заасан хуваарийн дагуу нийлүүлэх нүүрс нь хатуу коксжих нүүрс байх бөгөөд нүүрсийг сорчлон ашиглахгүй байх зорилгоор бусад давхаргын коксжих нүүрс, хагас коксжих, исэлдсэн /эрчим хүчний/ нүүрс болон угааж баяжуулсан коксжих нүүрсийг энэ гэрээний 5.2-д заасны дагуу нийлүүлнэ.
- 7.4. Давагдашгүй хүчин зүйлийн улмаас хэлэлцэн тохирсон хувь хэмжээний нүүрсийг бүхэлд нь, эсхүл хэсэгчлэн хүлээн авах боломжгүй болсон бол Гүйцэтгэгч буюу Гүйцэтгэгчийн нэрлэсэн Худалдан авагчид нөхөн нийлүүлэх нүүрсийг ачсан улирлын үнээр нь тооцож нөхөн нийлүүлнэ.
- 7.5. Талууд энэ гэрээний дагуу нийлүүлсэн буюу хүлээн авсан нүүрсний тооцоог дараа сарын 15-ны дотор нийлнэ. Талууд харилцан тохиролцсоны үндсэн дээр уг өдрийг өөрчилж болно.
- 7.6. Гүйцэтгэгч нь тооцоо нийлэх мэдэгдлийг энэ гэрээний 7.5-д заасан хугацаанаас 5 /тав/ хоногийн өмнө Худалдагчид хүргүүлнэ. Тооцоо нийлэх мэдэгдэлд дараах зүйлсийг тусгана:
- 7.6.1. энэ гэрээний дагуу тухайн сард хүлээн авах ёстой нүүрсний хэмжээ болон бодитоор хүлээн авсан нүүрсний хэмжээ;
- 7.6.2. нүүрсний үнэ.
- 7.7. Хэрэв тухайн сард нийлүүлсэн нүүрсний бодит хэмжээ, үнийн талаар зөрүү гарвал Худалдагч болон Гүйцэтгэгч нь нийлүүлэлтийн хэмжээг тооцсон аргачлал, холбогдох баримтыг ашиглан зөрүүг нягталж талууд протокол үйлдэн баталгаажуулна. Тооцоо нийлэх мэдэгдлийн маягтыг талууд хамтран батална.
- 7.8. Энэ гэрээний 6.3.4, 17 дугаар зүйлд зааснаас бусад тохиолдолд Гүйцэтгэгч нь нийлүүлэлтийн төлөвлөгөөнд заагдсан нүүрсийг 3 /гурав/ сар дараалан татаж аваагүй тохиолдолд тухайн нүүрсийг Худалдагч нь өөрийн уурхайн төлөвлөгөөтэй уялдуулж нэрлэсэн Худалдан авагчид нөхөж нийлүүлнэ.

### НАЙМДУГААР ЗҮЙЛ. НҮҮРС НИЙЛҮҮЛЭХ ЦЭГ

- 8.1. Худалдагч нь гэрээний дагуу Гүйцэтгэгчид нүүрс нийлүүлэх цэг нь уурхайн ам байх ба Гүйцэтгэгч буюу Гүйцэтгэгчийн нэрлэсэн худалдан авагчийн тээврийн хэрэгсэлд нүүрсийг уурхайн амнаас ачиж өгснөөр нүүрсний өмчлөх эрх, холбогдох бүхий л зардал, үр ашиг болон эрсдэл Гүйцэтгэгч буюу Гүйцэтгэгчийн нэрлэсэн худалдан авагчид бүрэн шилжинэ.

ХЭЗГ  
№01



**ЕСДҮГЭЭР ЗҮЙЛ.  
ЖИН ХЭМЖЭЭ**

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

ИЛ БОЛСОН

- 9.1. Нүүрсний жинг ачаатай болон ачаагүй тээврийн хэрэгслийн жингийн зөрүүгээр тодорхойлно. Нүүрс нийлүүлэх цэг дэх ачигдсан жин нь эцсийн бөгөөд албан ёсны байна.
- 9.2. Авто жингийн буюу ачилтын бичиг баримтууд: Нүүрс ачих цэгт Худалдагчийн холбогдох ажилтан тээврийн хэрэгслийн бүртгэлийн дугаар, нүүрстэй болон нүүрсгүй байх үеийн жин, ачилтын огноо, хүргэх цэг зэрэг мэдээллийг агуулсан авто жингийн бичиг баримтыг үйлдэнэ. Авто жингийн бичиг баримтад Худалдагч болон Гүйцэтгэгч буюу Гүйцэтгэгчийн нэрлэсэн худалдан авагчийн эрх бүхий албан тушаалтнууд гарын үсэг зурах бөгөөд тус бүр нэг хувийг хадгална. Шаардлагатай тохиолдолд Худалдагч нь Монгол Улсын Стандартчилал, хэмжил зүйн үндэсний төвөөс олгосон пүүний баталгаажуулалтын сертификатын хуулбарыг Гүйцэтгэгч буюу Гүйцэтгэгчийн нэрлэсэн худалдан авагчид өгч болно.
- 9.3. Нүүрс нийлүүлэх цэг дэх нүүрсний жин, хэмжээ болон чанарын үзүүлэлт нь эцсийнх бөгөөд талуудын хүлээн зөвшөөрсөн үр дүн байна.
- 9.4. Гүйцэтгэгч буюу Гүйцэтгэгчийн нэрлэсэн худалдан авагч нь шаардлагатай тохиолдолд Худалдагч болон холбогдох төрийн эрх бүхий байгууллагын төлөөлөгчийн оролцоотойгоор нүүрс жинг хэрэгслийг шалгах ажлыг зохион байгуулж болно.

**АРВ ДУГААР ЗҮЙЛ.  
АЧИЛТЫН ХУВААРЬ**

- 10.1. Худалдагч нь энэ гэрээгээр тохирсон хэмжээний нүүрсийг тогтоосон хуваарийн дагуу ачих зорилгоор Тавантолгойн уурхайд ачилтын тусгай гарц талбай байгуулж болно.
- 10.2. Гүйцэтгэгч буюу Гүйцэтгэгчийн нэрлэсэн худалдан авагч нь нүүрсийг гэрээний Хавсралт А-д заасан хуваарийн дагуу тээвэрлэнэ.

**АРВАН НЭГДҮГЭЭР ЗҮЙЛ.  
ТЭЭВЭР**

- 11.1. Гүйцэтгэгч буюу Гүйцэтгэгчийн нэрлэсэн худалдан авагч нь нүүрс тээвэрлэх тээврийн хэрэгслийг зохион байгуулж, төлбөрийг хариуцах ба тээвэрлэгч компаниудын талаарх албан ёсны мэдээллийг Худалдагчид тээвэрлэлт эхлэхээс 3 /гурав/ хоногоос доошгүй хугацааны өмнө хүргүүлнэ.
- 11.2. Гүйцэтгэгч буюу Гүйцэтгэгчийн нэрлэсэн худалдан авагч нь Худалдагчтай Тээврийн хариуцлагын гэрээ байгуулсан тээвэрлэгч компанийг сонгон ажиллана. Нүүрсний тээвэрлэлтийг Монгол өмчлөгчтэй Монгол Улсын тээврийн компаниар гүйцэтгүүлэхээр хичээн ажиллах болно.
- 11.3. Гүйцэтгэгч буюу Гүйцэтгэгчийн нэрлэсэн худалдан авагч нь тээвэрлэгч компанитай байгуулах Тээврийн гэрээнд тухайн тээвэрлэгч компанийн сар бүрийн ачилтын хуваарийг дэлгэрэнгүй тусгаж өгөх бөгөөд нийт тээвэрлэлт

ХЭЗГ  
№01





гүйцэтгүүлэх тээврийн хэрэгслийн тоог худалдан авах нийт нүүрсний хэмжээнд уялдуулна.

- 11.4. Худалдагч нь гэрээнд заасан ачилтын хуваарийн гүйцэтгэлийг хангахын тулд Гүйцэтгэгч буюу Гүйцэтгэгчийн нэрлэсэн худалдан авагчийн гэрээт тээврийн хэрэгслүүдийг Уурхайн ачилтын бүртгэлд бүртгүүлэн, уурхайн нүүрс ачилтын үйл ажиллагаанд хамруулна. Гүйцэтгэгч буюу Гүйцэтгэгчийн нэрлэсэн худалдан авагч нь гаалийн хяналтын талбайгаар дамжин нүүрс экспортлох тээврийн хэрэгслийн талаарх шаардлагатай бүхий л мэдээллийг Худалдагчид урьдчилан хүргүүлнэ.
- 11.5. Гүйцэтгэгч болон Гүйцэтгэгчийн нэрлэсэн худалдан авагч нь тээвэрлэгч компанитай байгуулсан Тээврийн гэрээний хүрээнд тээврийн хэрэгслийн жолооч нарын нийгмийн асуудлыг хариуцаж, хянаж ажиллах үүрэг хүлээсэн байна.
- 11.6. Энэ гэрээнд заасан нүүрсний үнэд нүүрс хучилтын зардал болон тээвэртэй холбоотой бусад зардлууд багтаагүй болно. Нүүрс хучилтын үйлчилгээг Худалдагч нь Гүйцэтгэгчтэй, эсхүл Гүйцэтгэгчийн нэрлэсэн худалдан авагч компанитай байгуулсан тусдаа гэрээгээр зохицуулж, төлбөрийг сар бүр Гүйцэтгэгч талаас нэхэмжилнэ.
- 11.7. Хэрэв давагдашгүй хүчин зүйл болон урьдчилан таамаглаагүй нөхцөл байдлын улмаас тээвэрлэлтийн үйл ажиллагаа доголдсон тохиолдолд Худалдагч нь нөхцөл байдлыг харгалзан үзэж эргэлтийг нэмэгдүүлэх тал дээр Гүйцэтгэгчийг бүх талаар дэмжин ажиллана.

#### АРВАН ХОЁРДУГААР ЗҮЙЛ. ТАТВАР

- 12.1. Худалдагчийн хариуцах татвар: Монгол Улсад төлөгдөх ашигт малтмалын нөөц ашигласны төлбөр, аж ахуйн нэгжийн орлогын албан татвар, НӨАТ болон уурхайн үйл ажиллагаатай холбогдсон бүх татвар, хураамж, төлбөр /нүүрс экспортлоход шаардлагатай Уул уурхайн үндэсний хүрээлэнгийн дүгнэлтийн төлбөр, Гаалийн төв лабораторийн дүгнэлтийн төлбөр, гаалийн хураамж, манифестийн хураамж, лац, гаалийн мэргэжлийн хяналт, хорио цээрийн хяналтын хураамж, гарал үүслийн гэрчилгээний хураамж/-ийг хариуцна.
- 12.2. Гүйцэтгэгч болон Гүйцэтгэгчийн нэрлэсэн худалдан авагчийн хариуцах татвар: Нүүрс импортлохтой холбоотой БНХАУ-д ногдуулж буй холбогдох бүх татвар, хураамж тухайлбал, аж ахуйн нэгжийн орлогын албан татвар, орон нутгийн татвар хураамжууд, импортын татвар болон бусад албан татвар, хураамж, төлбөр зэргийг хариуцна.

#### АРВАН ГУРАВДУГААР ЗҮЙЛ. ХӨДӨЛМӨРИЙН АЮУЛГҮЙ БАЙДАЛ, ЭРҮҮЛ АХУЙ БОЛОН БАЙГАЛЬ ОРЧИН

- 13.1. Гүйцэтгэгч нь үйл ажиллагаандаа Монгол Улсад хүчин төгөлдөр мөрдөгдөж буй хөдөлмөрийн аюулгүй байдал, эрүүл ахуй, байгаль орчинтой холбоотой хууль, дүрэм, журам түүнд нийцүүлэн гаргасан эрх бүхий этгээдийн тушаал,

ХЭЗГ  
№01



шийдвэр, дүрэм, журмыг дагаж мөрдөх бөгөөд өөрийн болон бусад туслан гүйцэтгэгч, гэрээт компанийн ажилтнуудад холбогдох хууль тогтоомж, дүрэм, журмыг танилцуулах, аюулгүй ажиллагааны сургалт зохион байгуулж, зааварчилгаа өгсөн байх үүрэгтэй.

- 13.2. Гүйцэтгэгч нь Хөдөлмөрийн аюулгүй байдал, эрүүл ахуйн тухай хуульд заасны дагуу өөрийн гэрээт болон туслан гүйцэтгэгч компаниудтай хөдөлмөрийн аюулгүй байдал, эрүүл ахуйн талаар харилцан хүлээх үүрэг, хариуцлагыг хамтын ажиллагааны гэрээнд тодорхой тусгаж оруулсан байх үүрэгтэй.
- 13.3. Гүйцэтгэгч нь Худалдагчийг хөдөлмөрийн аюулгүй байдал, эрүүл ахуй болон байгаль орчны асуудлаар үүсч болох бүх төрлийн хариуцлага, нэхэмжлэл, шаардлага, алдагдал, үүрэг, зардлаас (хуульчдын бодит ажлын хөлс ба мөрдөн шалгах болон маргааныг шүүхийн журмаар шийдвэрлэхтэй холбогдон үүссэн бусад зардал) ангид байлгах үүрэгтэй.
- 13.4. Гүйцэтгэгч буюу Гүйцэтгэгчийн нэрлэсэн худалдан авагч нь өөрийн болон гэрээт, туслан гүйцэтгэгч компаниудын тээврийн хэрэгсэл болон жолооч нарыг тээврийн хэрэгслийн, жолоочийн хариуцлагын албан журмын даатгалд, мөн өөрийн ажилтнуудын амь нас, эрүүл мэндийг зохих даатгалд даатгуулсан байх ба тэдгээр ажилтнууд нь Замын хөдөлгөөний аюулгүй байдлын тухай хууль болон замын хөдөлгөөний дүрмийг мөрдөж ажиллана.
- 13.5. Гүйцэтгэгч буюу Гүйцэтгэгчийн нэрлэсэн худалдан авагч болон түүний гэрээт компаниудын жолоочид нүүрс тээврийн замд жолоо барьж байх үедээ бүх төрлийн согтууруулах ундаа, мансууруулах бодис, тайвшруулах үйлчилгээтэй эм хэрэглэх мөн Худалдагчийн эрх бүхий ажилтан болон хамгаалагчийн шаардлагыг биелүүлэхээс татгалзах, хэл амаар доромжлох, зүй бусаар харьцах, танхайрахыг хатуу хориглоно.

#### **АРВАН ДӨРӨВДҮГЭЭР ЗҮЙЛ. МЭДЭГДЭЛ, БАТАЛГАА**


- 14.1. Талууд нь энэ гэрээний 1.2-т заасан гэрээний 9 дүгээр зүйлд заасан мэдэгдэл, баталгааг энэ Гэрээнд нэгэн адил дагаж мөрдөнө.

#### **АРВАН ТАВДУГААР ЗҮЙЛ. НУУЦЛАЛ**

- 15.1. Энэ гэрээний нөхцөл, заалт нь нууц байх бөгөөд хуулийн дагуу төрийн эрх бүхий байгууллага шаардсанаас бусад тохиолдолд Талуудын бичгээр гаргасан зөвшөөрөлгүйгээр гуравдагч этгээдэд задруулахгүй.

#### **АРВАН ЗУРГААДУГААР ЗҮЙЛ. ГЭРЭЭГЭЭР ХҮЛЭЭСЭН ЭРХ, ҮҮРЭГ БОЛОН ТУСГАЙ ЗӨВШӨӨРӨЛ ШИЛЖҮҮЛЭХИЙГ ХОРИГЛОХ**

- 16.1. Талууд нь энэ гэрээний дагуу хүлээсэн эрх, үүргээ нөгөө талын бичгээр гаргасан зөвшөөрөлгүйгээр гуравдагч этгээдэд шилжүүлэхийг хориглоно.



АРВАН ДОЛДУГААР ЗҮЙЛ.  
ДАВАГДАШГҮЙ ХҮЧИН ЗҮЙЛ

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

- 17.1. Давагдашгүй хүчин зүйл гэж Талуудын санаатай буюу болгоомжгүй буруутай үйлдэл, эс үйлдлээс үл хамаарах, түүнийг урьдчилан мэдээгүй буюу мэдэх боломжгүй байсан бөгөөд түүнийг даван туулах, эсхүл зайлуулах буюу үр дагаврыг нь бууруулах боломжгүйгээс гэрээний үүргээ гүйцэтгэх боломжгүй болсон дараахь нөхцөл байдлыг ойлгоно:
- 17.1.1. үер, газар хөдлөлт, хөрсний гулгалт, гал түймэр, хүчтэй шуурга, аадар бороо, эрс хүйтрэлт, цаг агаарын гэнэтийн ноцтой үзэгдэл зэрэг байгалийн гамшигт нөхцөл байдал;
- 17.1.2. тахал, халдварт өвчин буюу хорио цээр, түүнчлэн гадаад улсын болон дотоодын төрийн эрх бүхий байгууллагын шийдвэрээр хил, авто болон төмөр замын харилцааг хаах, эсхүл түр зогсоох, импорт, экспортын хориг, хязгаарлалт тавьсан;
- 17.1.3. дайн, түрэмгийлэл, зэвсэгт мөргөлдөөн болон гадны халдлага, бүслэлт, худалдааны хориг, хувьсгал;
- 17.1.4. улс даяар өрнөсөн, эсхүл салбар, талуудын үйл ажиллагааг хамарсан ажил хаялт, улс төрийн жагсаал, цуглаан, бослого.
- 17.2. Давагдашгүй хүчин зүйлийн улмаас гэрээгээр хүлээсэн үүргээ бүхэлд нь буюу хэсэгчлэн биелүүлээгүй, эсхүл зохих ёсоор биелүүлж чадаагүйгээс үүссэн үр дагаврыг Талууд хариуцахгүй. Давагдашгүй хүчин зүйлийн улмаас гэрээгээр хүлээсэн үүргээ биелүүлээгүй, эсхүл зохих ёсоор биелүүлж чадаагүй нөхцөл байдлыг гэрээгээр хүлээсэн үүргээ зөрчсөн гэж үзэхгүй бөгөөд түүний үргэлжлэх хугацаанд тухайн үүргийн гүйцэтгэл болон цаг хугацааны шаардлагыг түр зогссон гэж үзнэ.
- 17.3. Давагдашгүй хүчин зүйлийн улмаас гэрээгээр хүлээсэн үүргээ биелүүлж чадахгүй болсон тал нь энэ тухай болон түүний шалтгааны талаар уг хүчин зүйл бий болсон хугацаанаас хойш 3 /гурав/ хоногийн дотор нөгөө талдаа бичгээр шуурхай мэдэгдэх бөгөөд Талууд шалтгааныг арилгах боломжтой бүхий л арга хэмжээг авахын зэрэгцээ түүнийг арилгахын төлөө хамтран ажиллана. Мэдэгдэлд дараах мэдээллийг заавал тусгана:
- 17.3.1. шинж чанар, нөлөөлөл, хамрах хүрээний талаархи нотлох баримт бүхий мэдээлэл;
- 17.3.2. үргэлжлэх хугацаа, эсхүл энэ талаархи таамаг;
- 17.3.3. гэрээгээр хүлээсэн үүргийн гүйцэтгэлд саад учруулах, эсхүл саад учруулж болзошгүй нөлөөллийн талаархи таамаг;
- 17.3.4. давагдашгүй хүчин зүйлийн нөлөөлөл, учруулах хохирлын хэмжээг багасгах зорилгоор авч хэрэгжүүлж байгаа, эсхүл авч хэрэгжүүлэхээр төлөвлөж байгаа арга хэмжээ;
- 17.3.5. холбогдох бусад мэдээлэл.
- 17.4. Давагдашгүй хүчин зүйлийн нөлөөлөх цар хүрээнээс илүү хэмжээгээр буюу түүний үргэлжлэх хугацаанаас урт хугацаагаар гэрээгээр хүлээсэн үүргийн гүйцэтгэлийг хойшлуулахгүй.
- 17.5. Давагдашгүй хүчин зүйлийн улмаас учирсан зардлыг талууд тус бүр өөрсдөө хариуцна.

МАШ НУУЦ

МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХХК

17.6. Гэрээний аль нэг тал нь давагдашгүй хүчин зүйлийн улмаас гэрээгээр хүлээсэн үүргээ бүхэлд нь буюу хэсэгчлэн биелүүлээгүй, эсхүл хойшлуулсан тохиолдолд тухайн давагдашгүй хүчин зүйлийн үр дагаврыг арилгахад бодитойгоор шаардагдах боломжит хугацаа болон тухайн ажлыг эхлүүлэх буюу үргэлжлүүлэхэд шаардагдах бэлтгэл ажлын боломжит хугацааг энэхүү гэрээнд уг ажлыг гүйцэтгэхээр заасан буюу бусад хэлбэрээр зөвшөөрсөн хугацаан дээр нэмж тооцохын зэрэгцээ гэрээний хугацааг уг хугацаагаар сунгана.

### АРВАН НАЙМДУГААР ЗҮЙЛ. МАРГААН ШИЙДВЭРЛЭХ

18.1. Талууд нь энэ гэрээний 1.2-т заасан гэрээний 13 дугаар зүйлд заасан маргаан шийдвэрлэх журмыг энэ Гэрээнд нэгэн адил дагаж мөрдөнө.

### АРВАН ЕСДҮГЭЭР ЗҮЙЛ. ТОРГУУЛЬ, ХАРИУЦЛАГА

- 19.1. Талууд энэ гэрээгээр хүлээсэн үүргээ биелүүлээгүй бол нөгөө талдаа учирсан шууд хохирлыг энэ гэрээ болон хуульд заасны дагуу хариуцан арилгана.
- 19.2. Худалдагч нь хууль болон энэхүү гэрээнд зааснаас бусад үндэслэлээр гэрээг хугацаанаас өмнө цуцалсан, нүүрс нийлүүлэхээ зогсоосон бол уг хугацаанаас өмнө нийлүүлсэн нүүрсний валютаар илэрхийлсэн үнийн дүнгийн 20 /хорь/ хувьтай тэнцэх хэмжээний мөнгөн торгуулийг Гүйцэтгэгчид төлнө.
- 19.3. Энэ гэрээний 20.2-т заасан болон Гүйцэтгэгчийн бусад буруутай үйл ажиллагаанаас шалтгаалж гэрээ цуцлагдсан тохиолдолд Худалдагчаас Гүйцэтгэгчид нийлүүлсэн нийт нүүрсний үнийн дүнгийн 20 /хорь/ хувьтай тэнцэх хэмжээний мөнгөн торгуулийг Гүйцэтгэгч нь Худалдагчид төлнө.

### ХОРЬДУГААР ЗҮЙЛ. ГЭРЭЭ ДУУСГАВАР БОЛОХ

- 20.1. Энэ гэрээ нь дараах тохиолдолд дуусгавар болно:
- 20.1.1. энэ гэрээний 4.1, 4.2-д заасан хүчинтэй хугацаа дуусгавар болсон бөгөөд талууд гэрээгээр хүлээсэн үүргээ бүрэн биелүүлсэн;
- 20.1.2. "Тавантолгой төмөр зам" ХХК болон Гүйцэтгэгчийн хооронд байгуулагдсан "Богдхан төмөр зам"-ын туннел болон эстакадан гүүрний зураг төсөл, худалдан авалт, барилгын ажил гүйцэтгэх гэрээ болон Худалдагч, Гүйцэтгэгч, "Тавантолгой төмөр зам" ХХК-ийн хооронд байгуулагдсан Санхүүжилтийн гэрээ хүчингүй болсон бөгөөд

ХЭЗГ  
№01



гэрээ дуусгавар болох үед үүссэн байсан талуудын төлбөрийн үүрэг бүрэн биелсэн;

20.1.3. талууд гэрээг дуусгавар болгох тухай дагуу харилцан тохиролцсон бол,  
20.1.4. энэ гэрээнд заасан тохиолдол үүссэн бол.

20.2. Дараах тохиолдолд Худалдагчийн санаачилгаар энэ гэрээг цуцалж, дуусгавар болгоно:

20.2.1. "Тавантолгой төмөр зам" ХХК болон Гүйцэтгэгчийн хооронд байгуулагдсан "Богдхан төмөр зам"-ын туннел болон эстакадан гүүрний зураг төсөл, худалдан авалт, барилгын ажил гүйцэтгэх гэрээ болон Худалдагч, Гүйцэтгэгч, "Тавантолгой төмөр зам" ХХК-ийн хооронд байгуулагдсан Санхүүжилтийн гэрээг Гүйцэтгэгч нь хууль болон гэрээнд зааснаас бусад үндэслэлээр цуцалсан;

20.2.2. "Тавантолгой төмөр зам" ХХК болон Гүйцэтгэгчийн хооронд байгуулагдсан "Богдхан төмөр зам"-ын туннел болон эстакадан гүүрний зураг төсөл, худалдан авалт, барилгын ажлын гэрээ болон Худалдагч, Гүйцэтгэгч, "Тавантолгой төмөр зам" ХХК-ийн хооронд байгуулагдсан Санхүүжилтийн гэрээнд заасны дагуу Гүйцэтгэгч тал төслийн бүтээн байгуулалтын ажлыг хугацаанд нь дуусгаагүйн улмаас төмөр замаар ачаа тээвэрлэлт хийх төлөвлөгөөт хугацааг Худалдагч эхлүүлэх боломжгүй болсон.

20.3. Гэрээг дуусгавар болгох нь гэрээний аль нэг тал энэ гэрээгээр хүлээсэн үүргээ биелүүлэхээс чөлөөлөх үндэслэл болохгүй бөгөөд гэрээг дуусгавар болгохоос өмнө оруулсан бүх хөрөнгө оруулалтад хамаарах төлбөрийн үүргээ бүрэн биелүүлэх хүртэл хэвээр үлдэнэ.

20.4. Гэрээний хугацаа дуусгавар болсноос хойш 30 /гуч/ хоногийн дотор талууд тооцоо нийлсэн баримтад гарын үсэг зурж баталгаажуулан Гэрээ дүгнэсэн акт үйлдэнэ.

**ХОРИН НЭГДҮГЭЭР ЗҮЙЛ.  
БУСАД ЗҮЙЛ**

21.1. Гэрээний дагуу аливаа мэдэгдэл, бусад харилцаа холбоог талууд бичгээр үйлдэн биечлэн, эсхүл шуудан, факсаар илгээнэ. Шуудангийн хураамж, илгээлтийн төлбөрийг урьдчилан бүрэн төлсөн байдлаар доор дурдсан хаягаар хүргэгдсэнээр тухайн баримт бичгийг зохих ёсоор хүлээлгэн өгсөн гэж тооцно:

**Худалдагч:**

**Нэр:** "Эрдэнэс Тавантолгой" ХК

**Хаяг:** Монгол Улс, Улаанбаатар хот, Чингэлтэй дүүрэг, 1 дүгээр хороо, Жигжиджавын гудамж -8, Финанс төв.

**Утас:** (976) 75055555

**Факс:** (976) 70119595

**Цахим шуудан:** [info@erdenestt.mn](mailto:info@erdenestt.mn)



МАШ НУУЦ

STRICTLY CONFIDENTIAL

"ЭРДЭНЭС ТАВАНТОЛГОЙ" ХК

МАШ НУУЦ

ИЛ БОЛСОН

**Гүйцэтгэгч:**

**Нэр:** "Бодь Интернэшнл" ХХК

**Хаяг:** Монгол Улс, Улаанбаатар хот 14241, Сүхбаатар дүүрэг, 1-р хороо, Чингисийн өргөн чөлөө-24, "Парк Плэйс" оффис, 3 давхар.

**Утас:** (976) 70139966

**Цахим шуудан:** [tavantolgoi@bodigroup.com](mailto:tavantolgoi@bodigroup.com)

- 21.2. Гэрээний 21.1-т заасан хаяг өөрчлөгдвөл тухайн тал 24 /хорин дөрвөн/ цагийн дотор шинэ хаягаа нөгөө талдаа мэдэгдэнэ. Аль нэг тал нь гэрээний дагуу явуулсан мэдэгдлийг хүлээж авахаас татгалзсан, эсхүл хүлээн авах боломжгүй байсан нь нөгөө талын эрхийг хязгаарлах, хохироох үндэслэл болохгүй.
- 21.3. Гэрээг монгол хэлээр 3 (гурав) эх хувь үйлдсэн бөгөөд Худалдагч тал хоёр хувийг, Гүйцэтгэгч тал нэг хувийг хадгална.
- 21.4. Гэрээний хавсралтууд нь энэхүү гэрээний салшгүй хэсэг байна.
- 21.5. Гэрээгээр зохицуулаагүй бусад харилцааг Монгол Улсын хууль тогтоомжоор зохицуулна.

Дээрхийг нотлон энэ гэрээнд талуудыг төлөөлж эрх бүхий дараах албан тушаалтнууд Улаанбаатар хотноо гарын үсэг зурснаар хүчин төгөлдөр болов.

ХЭСГ  
№01

-----oOo-----



НУУЦ  
"БОДЬ ИНТЕРНЭШНЛ" ХХК

МАШ НУУЦ

МАШ НУУЦ  
STRICTLY CONFIDENTIAL  
"ЭРДЭНЭС ТАВАНТОЛГОЙ" ХК

ГЭРЭЭГ БАЙГУУЛСАН:

"ЭРДЭНЭС ТАВАНТОЛГОЙ" ХК-ИЙГ ТӨЛӨӨЛЖ:

Албан тушаал: Гүйцэтгэх захирал

Нэр: Б.Ганхуяг

*[Handwritten signature]*  
Гарын үсэг  
TAVAN  
ЭРДЭНЭС  
ТАВАН  
ХК  
УЛААНБААТАР  
ТТЭСЗЭГ № 505528  
JSC

ИЛ БОЛСОН

"БОДЬ ИНТЕРНЭШНЛ" ХХК-ИЙГ ТӨЛӨӨЛЖ:

Албан тушаал: Гүйцэтгэх захирал

Нэр: Б.Долгормаа

*[Handwritten signature]*  
Гарын үсэг  
BODI INTERNATIONAL LLC  
МОНГОЛ УЛС  
БОДЬ ИНТЕРНЭШНЛ  
ХХК  
MONGOLIA  
ТТА1515 № 2040433

ЭТТ-ШИЛЭН КОМПАНИ

"ЭРДЭНЭС ТАВАНТОЛГОЙ" ХК  
ХЭЗГ  
№01

Хуудас 12 - 17

МОНГОЛ УЛС  
BODI INTERNATIONAL LLC  
БОДЬ ИНТЕРНЭШНЛ  
ХХК  
MONGOLIA  
ТТА1515 № 2040433

МАШ НУУЦ  
STRICTLY CONFIDENTIAL  
"ЭРДЭНЭС ТАВАНТОЛГОЙ" ХХК  
Бодь Интернэшнл

МАШ НУУЦ

"Эрдэнэс Тавантолгой" ХК болон  
Бодь Интернэшнл ХХК-ийн  
хооронд байгуулсан  
Нүүрс нийлүүлэх гэрээний  
"ХАВСРАЛТ А"

НҮҮРС НИЙЛҮҮЛЭХ ХУВААРЬ, ХЭМЖЭЭ

ИЛ БОЛСОН

| T                   | Он   | Сар | Санхүүжилтийн дүн        | Тоо хэмжээ (тонн) |
|---------------------|------|-----|--------------------------|-------------------|
| 1                   | 2022 | 8   | \$ 12,243,663.73         |                   |
|                     | 2022 | 9   | \$ 12,243,663.73         |                   |
| 2                   | 2022 | 10  | \$ 12,243,663.73         |                   |
|                     | 2022 | 11  | \$ 12,243,663.73         |                   |
|                     | 2022 | 12  | \$ 12,243,663.73         |                   |
| <b>2022 он нийт</b> |      |     | <b>\$ 61,218,318.65</b>  |                   |
| 3                   | 2023 | 1   | \$ 12,243,663.73         |                   |
|                     | 2023 | 2   | \$ 12,243,663.73         |                   |
|                     | 2023 | 3   | \$ 12,243,663.73         |                   |
| 4                   | 2023 | 4   | \$ 12,243,663.73         |                   |
|                     | 2023 | 5   | \$ 12,243,663.73         |                   |
|                     | 2023 | 6   | \$ 12,243,663.73         |                   |
| 5                   | 2023 | 7   | \$ 12,243,663.73         |                   |
|                     | 2023 | 8   | \$ 12,243,663.73         |                   |
|                     | 2023 | 9   | \$ 12,243,663.73         |                   |
| 6                   | 2023 | 10  | \$ 12,243,663.73         |                   |
|                     | 2023 | 11  | \$ 12,243,663.73         |                   |
|                     | 2023 | 12  | \$ 12,243,663.73         |                   |
| <b>2023 он нийт</b> |      |     | <b>\$ 146,923,964.73</b> |                   |
| 7                   | 2024 | 1   | \$ 12,243,663.73         |                   |
|                     | 2024 | 2   | \$ 12,243,663.73         |                   |
|                     | 2024 | 3   | \$ 12,243,663.73         |                   |
| 8                   | 2024 | 4   | \$ 12,243,663.73         |                   |
|                     | 2024 | 5   | \$ 12,243,663.73         |                   |
|                     | 2024 | 6   | \$ 12,243,663.73         |                   |
| 9                   | 2024 | 7   | \$ 12,243,663.73         |                   |
|                     | 2024 | 8   | \$ 12,243,663.73         |                   |
|                     | 2024 | 9   | \$ 12,243,663.73         |                   |
| 10                  | 2024 | 10  | \$ 12,243,663.73         |                   |
|                     | 2024 | 11  | \$ 12,243,663.73         |                   |
|                     | 2024 | 12  | \$ 12,243,663.73         |                   |
| <b>2024 он нийт</b> |      |     | <b>\$ 146,923,964.73</b> |                   |
| 11                  | 2025 | 1   | \$ 12,243,663.73         |                   |
|                     | 2025 | 2   | \$ 12,243,663.73         |                   |
|                     | 2025 | 3   | \$ 12,243,663.73         |                   |
| 12                  | 2025 | 4   | \$ 12,243,663.73         |                   |
|                     | 2025 | 5   | \$ 12,243,663.73         |                   |
|                     | 2025 | 6   | \$ 12,243,663.73         |                   |
| 13                  | 2025 | 7   | \$ 12,243,663.73         |                   |

ЭТТ ШИГЭЭГЭЙН ХАМГААНИ

ХЭЗГ  
№01

БОДИ ИНТЕРНАШОНАЛ LLC  
МОНГОЛ УЛС  
БОДИ ИНТЕРНЭШНЛ  
ХХК  
ТТА1516



МАШ НУУЦ  
STRICTLY CONFIDENTIAL

МАШ НУУЦ

|                     |      |    |                          |                      |
|---------------------|------|----|--------------------------|----------------------|
|                     | 2025 | 8  | \$ 12,243,663.73         | ЭНЭС ТАВАНТОЛГОЙ" ХК |
|                     | 2025 | 9  | \$ 12,243,663.73         |                      |
| 14                  | 2025 | 10 | \$ 12,243,663.73         |                      |
|                     | 2025 | 11 | \$ 12,243,663.73         |                      |
|                     | 2025 | 12 | \$ 12,243,663.73         |                      |
| <b>2025 он нийт</b> |      |    | <b>\$ 146,923,964.73</b> |                      |
| 15                  | 2026 | 1  | \$ 12,243,663.73         |                      |
|                     | 2026 | 2  | \$ 12,243,663.73         |                      |
|                     | 2026 | 3  | \$ 12,243,663.73         |                      |
| 16                  | 2026 | 4  | \$ 12,243,663.73         |                      |
|                     | 2026 | 5  | \$ 12,243,663.73         |                      |
|                     | 2026 | 6  | \$ 12,243,663.73         |                      |
| 17                  | 2026 | 7  | \$ 12,243,663.73         |                      |
|                     | 2026 | 8  | \$ 12,243,663.73         |                      |
|                     | 2026 | 9  | \$ 12,243,663.73         |                      |
| 18                  | 2026 | 10 | \$ 12,243,663.73         |                      |
|                     | 2026 | 11 | \$ 12,243,663.73         |                      |
|                     | 2026 | 12 | \$ 12,243,663.73         |                      |
| <b>2026 он нийт</b> |      |    | <b>\$ 146,923,964.73</b> |                      |
| 19                  | 2027 | 1  | \$ 12,243,663.73         |                      |
|                     | 2027 | 2  | \$ 12,243,663.73         |                      |
|                     | 2027 | 3  | \$ 12,243,663.73         |                      |
| 20                  | 2027 | 4  | \$ 12,243,663.73         |                      |
|                     | 2027 | 5  | \$ 12,243,663.73         |                      |
|                     | 2027 | 6  | \$ 12,243,663.73         |                      |
| 21                  | 2027 | 7  | \$ 12,243,663.73         |                      |
| <b>2027 он нийт</b> |      |    | <b>\$ 85,705,646.11</b>  |                      |
| <b>Нийт</b>         |      |    | <b>\$ 734,619,823.67</b> |                      |

ИЛ БОЛСОН

ХЭЗГ  
№01

-----oOo-----

ЭТТ-ШИЛЭГЭХ КОМПАНИ



“Эрдэнэс Тавантолгой” ХК болон  
“Бодь интернэшнл” ХХК-ийн  
хооронд байгуулсан  
Нүүрс нийлүүлэх гэрээний  
“ХАВСРАЛТ Б”

ИЛ БОЛСОН

**НҮҮРСНИЙ УЛИРАЛ ТУТМЫН ИНДЕКС БА ҮНЭ  
ТООЦОХ АРГАЧЛАЛ**

**1 дэх үе шат:** Өдөр, долоо хоног, сар тутмын мэдээллийг ашиглан улирал тутмын индексийг тооцоолох

Өдөр тутмын мэдээлэлтэй индексийн тухайд улирал тутмын индекс = (1 дэх өдрийн индекс+2 дахь өдрийн индекс+3 дахь өдрийн индекс+...+n дэх өдрийн индекс)/(улирлын хугацааны өдрийн тоо)

Долоо хоног тутмын мэдээлэлтэй индекс (өдөр тутмын мэдээлэлтэй бус)-ийн тухайд улирал тутмын индекс= (1 дэх долоо хоногийн индекс+2 дахь долоо хоногийн индекс+3 дахь долоо хоногийн индекс+...+n дэх долоо хоногийн индекс)/(улирлын хугацааны долоо хоногийн тоо)

Сар тутмын мэдээлэлтэй индекс (өдөр эсвэл долоо хоног тутмын мэдээлэлтэй бус)-ийн тухайд улирал тутмын индекс= (1 дэх сарын индекс+2 дахь сарын индекс+3 дахь сарын индекс)/(3)

**2 дахь үе шат:** Ойролцоох улирлын хугацаанд гарах хувь хэмжээний индексийн өөрчлөлтийг тооцоолох

“t-1” улирал тутмын индексээс илүү гарсан “t” улирал тутмын индексийн хувь хэмжээний өөрчлөлт= (“t” улирал тутмын индекс - “t-1” улирал тутмын индекс)/ “t-1” улирал тутмын индекс)\*100%

**3 дахь үе шат:** Улирал тутмын индексийг бүх сонгож авсан индексийг ашиглан тооцоолох

“t-1” улирал тутмын индексээс илүү гарсан “t” улирлын индексийн сагсны хувь хэмжээний өөрчлөлт=улирлын индексийн хувь хэмжээний өөрчлөлт<sub>a</sub>\* жин a + улирлын индексийн хувь хэмжээний өөрчлөлт<sub>b</sub>\* жин b+ улирлын индексийн хувь хэмжээний өөрчлөлт<sub>c</sub>\* жин c+...+ улирлын индексийн хувь хэмжээний өөрчлөлт<sub>n</sub>\* жин n

**4 дэх үе шат:** Үнийг тооцоолох

“t+1” улирлын үнэ= “t” улирлын үнэ \* (1+“t-1” улирал тутмын индексээс илүү гарсан “t” улирал тутмын индексийн сагсны хувь хэмжээний өөрчлөлт)

ХЭЗГ  
№01

-----oOo-----



МАШ НУУЦ  
STRICTLY CONFIDENTIAL  
"ЭРДЭНЭС ТАВАНТОЛГОЙ" ХК

МАШ НУУЦ

"Эрдэнэс Тавантолгой" ХК болон  
Бодь Интернэшнл" ХХК-ийн  
хооронд байгуулсан  
Нүүрс нийлүүлэх гэрээний  
"ХАВСРАЛТ В"

ИЛ БОЛСОН

### НҮҮРСНИЙ ЧАНАРЫН ҮЗҮҮЛЭЛТ

#### Угаагаагүй нүүрсний чанарын үзүүлэлт

| Seam | Үнслэгийн түвшин (ad) | Чийгшилт (ad) | Дэгдэмхий чанар (daf) | Хүхэр (ad)       | G индекс (5:1) |
|------|-----------------------|---------------|-----------------------|------------------|----------------|
| IV   | 14.0 (+4/-1)          | 3.13 (+/-1.5) | 28.2 (+3/-1)          | 0.72 (+0.3/-0.1) | 81.0 (+/-8)    |
| III  | 15.30 (+/-4)          | 3.7 (+/-1.5)  | 26.5 (+/-1.5)         | 0.8 (+0.4/-0.2)  | 75.0 (+/-7)    |

III, IV давхаргын угаагаагүй коксжих нүүрсний үзүүлэлтийг "Эрдэнэс Тавантолгой" ХК-ийн Уулын ажлын төлөвлөгөөнд зориулан уурхайн зөвшөөрөгдсөн хэмжээний хүрээнд өрмийн цооногийн дээжээс гарган авна.

-----oOo-----

ЭТТ-ШИЛЭНГ КОМПАНИ

